



**REPUBLIKA E SHQIPËRISË
KOMISIONI I PROKURIMIT PUBLIK**

Nr.2030/5 prot.

Datë 07.08.2026

V E N D I M

Nr. 949/2026

Komisioni i Prokurimit Publik, i përbërë nga:

Gjergj Mersini	Nënkryetar
Edvin Simo	Anëta
Nertil Kanina	Anëtar

Në mbledhjen e datës 07.08.2026, shqyrtoi çështjen me:

Objekt: Urdhër për pezullimin e shqyrtimit administrativ të ankimit elektronik, me nr. A/2026/6873, datë 24.06.2026, protokolluar me nr. 2030/2026 prot, datë 25.06.2026 të operatorit ekonomik “PC Store” SHPK, për procedurën e prokurimit “*E hapur, e thjeshtuar*”, me nr. REF-90276-06-16-2026, me objekt: “*Furnizim Vendorsje trarë elektrikë (parkimi)*”, me fond limit 5,000,000 lekë pa TVSH, parashikuar për t’u zhvilluar me datë 29-06-2026 nga autoriteti kontraktor, Ndërmarrja e Shërbimeve Publike Kamez.

Subjekte të Interesuar: Operatori ekonomik “PC Store” SHPK me NUIS L01606034A dhe adresë: Rruga e Dibres, Vila nr.153, Kati i Pare, Tiranë.

Ndërmarrja e Shërbimeve Publike Kamez.
Bulevardi “Nënë Tereza”, Nr. 492, Kamëz

Baza Ligjore: Ligji nr. 162/2020 “*Për Prokurimin Publik*”, i ndryshuar; Vendimi i Këshillit të Ministrave nr. 285, datë 19.05.2021 “*Për miratimin e rregullave të prokurimit publik*”, i ndryshuar; Vendimi i Komisionit të Prokurimit Publik Nr. 766, datë 13.10.2021 “*Për miratimin e rregullave për organizimin dhe funksionimin e Komisionit të Prokurimit Publik*”.

Komisioni i Prokurimit Publik, pasi dëgjoi relatorin e çështjes, shqyrtoi parashtrimet me shkrim e pretendimet e ankimuesit, dhe pasi diskutoi çështjen në tërësi

Vëren:

I

Rrethanat e çështjes

I.1. Në datën 17.06.2026, është publikuar në Sistemin e Prokurimeve Elektronike, procedura e prokurimit *“E hapur, e thjeshtuar”*, me nr. REF-90276-06-16-2026, me objekt: *“Furnizim Vendosje trarë elektrikë (parkimi)”*, me fond limit 5,000,000 lekë pa TVSH, parashikuar për t’u zhvilluar me datë 29-06-2026 nga autoriteti kontraktor, Ndërmarrja e Shërbimeve Publike Kamez.

I.2. Në datën 24.06.2026 nëpërmjet Sistemit të Ankesave Elektronike pranë Komisionit të Prokurimit Publik, është administruar ankimi elektronik me nr. A/2026/6873, protokolluar me nr. 2030/2026 prot, datë 25.06.2026 e operatorit ekonomik *“PC Store” SHPK*, me anë të së cilës kërkohet modifikimi i dokumenteve të procedurës së mësipërme të prokurimit.

I.3. Bazuar në nenin 112, pika 3 të ligjit 162/2020 *“Për prokurimin Publik”* Komisioni i Prokurimit Publik ka publikuar në bazën e të dhënave të tij, të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe ankesën e plotë të ankimuesit.

I.4. Në datën 26.06.2026 është protokolluar në Komisionin e Prokurimit Publik me nr. 2030/1 prot., shkresa me nr. 978/1 prot., datë 26.06.2026 me objekt: *“Shkresë përcjellëse”*, bashkëngjitur Vendimi i KSHA-së nr.978 prot., datë 26.06.2026 mbi ankesën e operatorit ekonomik *“PC Store” SHPK*. Sipas këtij vendimi rezulton se ankesa e sipërcituar është refuzuar, me argumentat si më poshtë vijon:

“[...] Lidhur me pretendimet e operatorit ekonomik “PC STORE” SH.P.K, ju bëjmë me dije, si më poshtë:

Rrethanat faktike:

Autoriteti Kontraktor, me datë 25.06.2026 ka konstatuar ankimin e operatorit me nr. Aplikimi A/2026/6873 të datës 24.06.2026 ora 16:45 në faqen e KPP-së, dhe menjëherë ka ngritur Urdhërin me nr. 975 prot, data 26.06.2026 “Për ngritjen e KSHA- së për shqyrtimin e ankesës së operatorit ekonomik “PC STORE” SH.P.K për procedurën e prokurimit me objekt: “Furnizim Vendosje trarë elektronikë (parkimi)”, me REF-90276-06-16-2026.

[...] Autoriteti kontraktor pasi verifikoi ankesën e operatorit ekonomik konstatoi se: operatori ekonomik nuk e ke paraqitur ankesën brenda afateve ligjore të ankimit, për rastin konkret: “Në procedurat e prokurimit nen kufirin e lartë monetar ky afat është 7 ditë”.

Autoriteti Kontraktor, në zbatim të nenit 110, pikat 2, 7 dhe 8 “Afatet për ankim” të Ligjit nr. 162 datë 23.12.2020 “Për Prokurimin Publik”, i ndryshiar, ku parashikon shprehimisht se: “Në procedurat e prokurimit mbi kufirin e lartë monetar , ne rastin e anksave për dokumentet

e tenderit, operatorët ekonomikë kanë të drejtë të ankohen brenda 10 ditëve nga publikimi i njoftimit të kontratës ose publikimi i ndryshimit të kërkesëve në dokumentet e tenderit”, ndërsa në procedurat e prokurimit nën kufirin e lartë monetar ky afat është 7 ditë.

- *Pika 7, në rast se operatori ekonomik nuk paraqet ankesën brenda afateve të parashikuara në këtë nen, atëherë nuk ka mundësi të ushtrojë më të drejtën e ankimit pranë autoritetit ose entit kontraktor dhe Komisionit të Prokurimit Publik.*

- *Pika 8, të shtunat, të dielat dhe ditët e festave zyrtare nuk pengojnë fillimin dhe kohëzgjatjen e afateve. Kur dita e fundit e një afati bie e shtunë, e dielë ose një ditë feste zyrtare, afati mbaron në ditën e punës që vjen pas saj. Ankesa quhet e pranuar në ditën e depozitimit të saj pranë autoritetit kontraktor dhe Komisionit të Prokurimit Publik.*

Referuar parashikimeve të sipërcituara, në rastin konkret, llogaritja e afateve për ankimim pranë Autoritetit Kontraktor dhe njëherazi pranë Komisionit të Prokurimit Publik, për procedurat e prokurimit nën kufirin e lartë monetarë, nis ditën e publikimit të njoftimit të shkurtuar të kontratës me datë 17.06.2026 ora 10:26 dhe përfundon në ditën e shtatë.

Ndërkohë, ankesa e depozituar nëpërmjet sistemit të ankesave elektronike pranë KPP-së është me datë 24.06.2026 ora 16:45, e cila konsiderohet e paraqitur jashtë afateve ligjore të ankimimit duke mos u legjitimuar racione temporis. [...]”

II

Komisioni i Prokurimit Publik

Komisioni i Prokurimit Publik, pas shqyrtimit të ankesës, dokumentacionit bashkëngjitur saj si dhe informacionit e dokumentacionit të autoritetit kontraktor

Arsyeton:

II.1. Në datën 17.06.2026, është publikuar në Sistemin e Prokurimeve Elektronike, procedura e prokurimit “*E hapur, e thjeshtuar*”, me nr. REF-90276-06-16-2026, me objekt: “*Furnizim Vendorsje trarë elektrikë (parkimi)*”, me fond limit 5,000,000 lekë pa TVSH, parashikuar për t’u zhvilluar me datë 29-06-2026 nga autoriteti kontraktor, Ndërmarrja e Shërbimeve Publike Kamez.

II.2. Në datën 24.06.2026 nëpërmjet Sistemit të Ankesave Elektronike pranë Komisionit të Prokurimit Publik, është administruar ankimi elektronik me nr. A/2026/6873, protokolluar me nr. 2030/2026 prot, datë 25.06.2026 e operatorit ekonomik “PC Store” SHPK, me anë të së cilës kërkohet modifikimi i dokumenteve të procedurës së mësipërme të prokurimit.

II.3. Bazuar në nenin 112, pika 3 të ligjit 162/2020 “Për prokurimin Publik” Komisioni i Prokurimit Publik ka publikuar në bazën e të dhënave të tij, të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe ankesën e plotë të ankimuesit.

II.4. Në datën 26.06.2026 është protokolluar në Komisionin e Prokurimit Publik me nr. 2030/1 prot., shkresa me nr. 978/1 prot., datë 26.06.2026 me objekt: “Shkresë përcjellëse”, bashkëngjitur Vendimi i KSHA-së nr.978 prot., datë 26.06.2026 mbi ankesën e operatorit ekonomik “PC Store” SHPK. Sipas këtij vendimi rezulton se ankesa e sipërcitur është refuzuar, me argumentat si më poshtë vijon:

“[...] Lidhur me pretendimet e operatorit ekonomik “PC STORE” SH.P.K, ju bëjmë me dije, si më poshtë:

Rrethanat faktike:

Autoriteti Kontraktor, me datë 25.06.2026 ka konstatuar ankimin e operatorit me nr. Aplikimi A/2026/6873 të datës 24.06.2026 ora 16:45 në faqen e KPP-së, dhe menjëherë ka ngritur Urdhërin me nr. 975 prot, data 26.06.2026 “Për ngritjen e KSHA- së për shqyrtimin e ankesës së operatorit ekonomik “PC STORE” SH.P.K për procedurin e prokurimit me objekt: “Furnizim Vendorsje trarë elektronikë (parkimi)”, me REF-90276-06-16-2026.

[...] Autoriteti kontraktor pasi verifikoi ankesën e operatorit ekonomik konstatoi se: operatori ekonomik nuk e ke paraqitur ankesen brenda afateve ligjore të ankimit, për rastin konkret: “Në procedurat e prokurimit nën kufirin e lartë monetar ky afat është 7 ditë”.

Autoriteti Kontraktor, në zbatim të nenit 110, pikat 2, 7 dhe 8 “Afatet për ankim” të Ligjit nr. 162 datë 23.12.2020 “Për Prokurimin Publik”, i ndryshuar, ku parashikon shprehimisht se: “Në procedurat e prokurimit mbi kufirin e lartë monetar , në rastin e anksave për dokumentet e tenderit, operatorët ekonomikë kanë të drejtë të ankohen brenda 10 ditëve nga publikimi i njoftimit të kontratës ose publikimi i ndryshimit të kërkesave në dokumentet e tenderit”, ndërsa në procedurat e prokurimit nën kufirin e lartë monetar ky afat është 7 ditë.

- Pika 7, në rast se operatori ekonomik nuk paraqet ankesën brenda afateve të parashikuara në këtë nen, atëherë nuk ka mundësi të ushtrojë më të drejtën e ankimit pranë autoritetit ose entit kontraktor dhe Komisionit të Prokurimit Publik.*

- Pika 8, të shtunat, të dielat dhe ditët e festave zyrtare nuk pengojnë fillimin dhe kohëzgjatjen e afateve. Kur dita e fundit e një afati bie e shtunë, e dielë ose një ditë feste zyrtare, afati mbaron në ditën e punës që vjen pas saj. Ankesa quhet e pranuar në ditën e depozitimit të saj pranë autoritetit kontraktor dhe Komisionit të Prokurimit Publik.*

Referuar parashikimeve të sipërcituara, në rastin konkret, llogaritja e afateve për ankimim pranë Autoritetit Kontraktor dhe njëherazi pranë Komisionit të Prokurimit Publik, për procedurat e prokurimit nën kufirin e lartë monetarë, nis ditën e publikimit të njoftimit të shkurtuar të kontratës me datë 17.06.2026 ora 10:26 dhe përfundon në ditën e shtatë.

Ndërkohë, ankesa e depozituar nëpërmjet sistemit të anksave elektronike pranë KPP-së është me datë 24.06.2026 ora 16:45, e cila konsiderohet e paraqitur jashtë afateve ligjore të ankimit duke mos u legjitimuar racione temporis. [...]”

II.5. Neni 24, pika 1, “Komisioni i Prokurimit Publik” i ligjit 162/2020 “Për Prokurimin Publik”, parashikon shprehimisht se:

“Komisioni i Prokurimit Publik është organi më i lartë administrativ në fushën e prokurimeve, që shqyrton ankesat për procedurat e prokurimit dhe kryen çdo detyrë tjetër që i ngarkohet me këtë ligj dhe akte të tjera ligjore brenda fushës së kompetencave të tij”.

II.6. Neni 30, pika 1, “Veprimtaria e Komisionit të Prokurimit Publik” i ligjit 162/2020 “Për Prokurimin Publik”, parashikon shprehimisht se:

“Komisioni i Prokurimit Publik shqyrton ankesat e paraqitura para tij kur në mbledhje janë të pranishëm të paktën 3 nga 5 anëtarët e tij, një prej të cilëve kryetari ose nënkryetari. Në përfundim të shqyrtimit të ankesave, Komisioni vendos me shumicë votash. Vendimi deklarativ i dhënë sipas parashikimeve të nenit 115, pikat 2 dhe 3, të këtij ligji, jepet nga 3 anëtarë për procedurat e prokurimit nën kufirin e ulët monetar dhe nga 5 anëtarët për procedurat e tjera. Shqyrtimi i ankesave për procedurat e prokurimit nën kufirin e ulët monetar do të bëhet nga 3 anëtarë të Komisionit të Prokurimit Publik”.

II.7. Në nenin 110, pikat 1, 7 dhe 8 “Afatet për ankimim” të Ligjit 162/2020 “Për Prokurimin Publik”, parashikohet shprehimisht se:

“1. Në procedurat e prokurimit mbi kufirin e lartë monetar, në rastin e ankesave për dokumentet e tenderit, operatorët ekonomikë kanë të drejtë të ankohen brenda 10 ditëve nga publikimi i njoftimit të kontratës ose publikimi i ndryshimit të kërkesave në dokumentet e tenderit. Në procedurat e prokurimit nën kufirin e lartë monetar ky afat është 7 ditë.

7. Në rast se operatori ekonomik nuk paraqet ankesën brenda afateve të parashikuara në këtë nen, atëherë nuk ka mundësi të ushtrojë më të drejtën e ankimit pranë autoritetit ose entit kontraktor dhe Komisionit të Prokurimit Publik.

8. Të shtunat, të dielat dhe ditët e festave zyrtare nuk pengojnë fillimin dhe kohëzgjatjen e afateve. Kur dita e fundit e një afati bie e shtunë, e diel ose një ditë feste zyrtare, afati mbaron në ditën e punës që vjen pas saj. Ankesa quhet e pranuar në ditën e depozitimit të saj pranë autoritetit kontraktor dhe Komisionit të Prokurimit Publik.”.

II.8. Në nenin 111, pika 1, të Ligjit 162/2020 “Për Prokurimin Publik”, parashikohet shprehimisht se: *“1. Operatori ekonomik ankimues dërgon njëkohësisht ankesën në autoritetin ose entin kontraktor dhe Komisionin e Prokurimit Publik në Sistemin e Ankesave Elektronike. Rregulla të posaçme për mënyrën e paraqitjes së ankesës përcaktohen në rregullat e prokurimit publik.”.*

II.9. Neni 112, pikat 1 dhe 2 të Ligjit 162/2020 “Për Prokurimin Publik”, i ndryshuar, parashikon shprehimisht se:

“1. Me regjistrimin e ankesës në Sistemin e Ankesave Elektronike dhe publikimin e saj nga Komisioni i Prokurimit Publik, Sistemi i Prokurimit Elektronik në ndërveprim me Sistemin e Ankesave Elektronike pezullon në mënyrë automatike vazhdimin e procedurës së prokurimit deri në shqyrtimin plotësisht të ankesës, përfshirë edhe nxjerrjen e një vendimi nga Komisioni i Prokurimit Publik me nënshkrim dhe vulë elektronike. Sistemi duhet të zhvillohet duke përdorur teknologji të avancuara të inteligjencës artificiale dhe procese të robotizuara për të kryer pezullimin dhe nxjerrjen nga pezullimi automatik i procedurave të prokurimit.

2. Komisioni i Prokurimit Publik, me marrjen e ankesës në përputhje me këtë ligj, publikon në bazën e të dhënave përmes ndërveprimit me sisteme të treta, të dhënat e mëposhtme: a) për ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës).

II.10. Në nenin 97 “Afatet për paraqitjen e ankesave”, të VKM-së nr 766/2021, datë 13.10.2021 “Për miratimin e rregullave “Për organizimin dhe funksionimin e Komisionit të Prokurimit Publik”, i ndryshuar, është parashikuar shprehimisht si vijon:

1. Në rastin e ankesave për dokumentet e tenderit, operatorët ekonomikë mund të ankohen pranë autoritetit/entit kontraktor:

a) brenda 10 (dhjetë) ditëve nga publikimi i njoftimit të kontratës, ose publikimi i ndryshimit të kërkesave në dokumentet e tenderit në procedurat e prokurimit mbi kufirin e lartë monetar;

b) brenda 7 (shtatë) ditëve nga publikimi i njoftimit të kontratës, ose publikimi i ndryshimit të kërkesave në dokumentet e tenderit në procedurat e prokurimit nën kufirin e lartë monetar.

2. Në rastin e ankesave për vendimin e vlerësimit/klasifikimit përfundimtar, operatorët ekonomikë mund të ankohen pranë autoritetit/entit kontraktor:

a) brenda 10 (dhjetë) ditëve nga publikimi i njoftimit të fituesit, ose publikimi i njoftimit të anulimit, në procedurat e prokurimit mbi kufirin e lartë monetar;

b) brenda 7 (shtatë) ditëve nga publikimi i njoftimit të fituesit, ose publikimi i njoftimit të anulimit, në procedurat e prokurimit nën kufirin e lartë monetar.

3. Në rastin e ankesave për vendimin e përzgjedhjes së kandidatëve pas fazës së parakualifikimit, në procedurat e prokurimit me faza, operatorët ekonomikë mund të ankohen pranë autoritetit/ entit kontraktor:

a) brenda 10 (dhjetë) ditëve nga marrja e njoftimit për këtë vendim, në procedurat e prokurimit mbi kufirin e lartë monetar;

b) brenda 7 (shtatë) ditëve nga marrja e njoftimit për këtë vendim, në procedurat e prokurimit nën kufirin e lartë monetar.

4. Në rastin e ankesave për lidhjen e një kontrate në bazë të një marrëveshjeje kuadër, me disa operatorë ekonomikë, pas procedurave për rihapjen e konkurrimit, operatorët ekonomikë mund të ankohen pranë autoritetit/entit kontraktor:

a) brenda 10 (dhjetë) ditëve nga data e publikimit të njoftimit të fituesit të kontratës, në procedurat e prokurimit mbi kufirin e lartë monetar;

b) brenda 7 (shtatë) ditëve nga data e publikimit të njoftimit të fituesit të kontratës, në procedurat e prokurimit nën kufirin e lartë monetar.

5. Në llogaritjen e afateve për paraqitjen e ankesës sipas përcaktimeve në këtë nen nuk do të përfshihet dita e publikimit të njoftimeve përkatëse.”

II.11. Referuar bazës ligjore të sipërcituar Komisioni i Prokurimit Publik gjykon, se afati për dorëzimin e ankesës pranë Komisionit të Prokurimit Publik dhe autoritetit kontraktor, në

procedurat e prokurimit *nën kufirin e lartë monetar*, në rastin e ankesave për dokumentet e tenderit, është *brenda 7 ditëve* nga publikimi i njoftimit të kontratës ose publikimi i ndryshimit të kërkesave në dokumentet e tenderit. Në rastin konkret, afati i fundit për paraqitjen e ankesës në autoritetin ose entin kontraktor dhe në Komisionin e Prokurimit Publik, referuar datës së publikimit të njoftimit të kontratës 17.06.2026, ka qenë brenda 7 ditëve, nga data e nesërme e publikimit të njoftimit të kontratës. Në këtë kuadër, ankesa pranë autoritetit kontraktor dhe Komisionit të Prokurimit Publik është paraqitur në datë 24.06.2026, pra brenda afateve të ankimimit.

Sa më sipër, Komisioni i Prokurimit Publik gjykon, se referuar nenit 111, pika 1 të ligjit nr.162/2020 *“Për prokurimin publik”*, operatori ekonomik ankimues dërgon njëkohësisht ankesën në autoritetin ose entin kontraktor dhe Komisionin e Prokurimit Publik në Sistemin e Ankesave Elektronike. Në rastin konkret, ankesa e operatorit ekonomik ankimues, rezulton, se është dorëzuar brenda afateve ligjore të përcaktuara në nenin 110, pika 1 e LPP i cili parashikon, se *“Në procedurat e prokurimit mbi kufirin e lartë monetar, në rastin e ankesave për dokumentet e tenderit, operatorët ekonomikë kanë të drejtë të ankohen brenda 10 ditëve nga publikimi i njoftimit të kontratës ose publikimi i ndryshimit të kërkesave në dokumentet e tenderit. Në procedurat e prokurimit nën kufirin e lartë monetar ky afat është 7 ditë”*.

Sa më sipër arsyetuar, Komisioni i Prokurimit Publik gjykon, se ankesa e dorëzuar nga operatori ekonomik ankimues, ka përmbushur detyrimin për ndjekjen e afateve ligjore të ankimimit në autoritet kontraktor dhe në Komisionin e Prokurimit Publik, ndaj nuk përbën shkak për mospranimin e ankesës nga ana e autoritetit kontraktor. Komisioni i Prokurimit Publik rithekson bindjen e tij, se për shkak të specifikës së prokurimeve publike, respektimi i afateve, është i një rëndësie thelbësore e me ndikim të drejtpërdrejtë në efikasitetin e procedurës, ndaj edhe i qëndron strikt rregullit të parashikuar nga ligji i prokurimit publik si *lex specialis* mbi lëndën.

Për sa më sipër, në mbështetje të nenit 30 dhe 118 të ligjit nr. 162/2020 *“Për Prokurimin Publik”*, Vendimi i Këshillit të Ministrave nr. 285, datë 19.05.2021 *“Për miratimin e rregullave të prokurimit publik”*, i ndryshuar, Vendimit të Këshillit të Ministrave nr. 236, datë 20.04.2023 *“Për përcaktimin e tarifës dhe të rregullave për pagimin e saj, në një procedurë ankimimi, pranë Komisionit të Prokurimit Publik”*, Vendimi i Komisionit të Prokurimit Publik Nr. 766/2021, datë 13.10.2021 *“Për miratimin e rregullave për organizimin dhe funksionimin e Komisionit të Prokurimit Publik”*, Komisioni i Prokurimit Publik njëzëri,

Vendosi

1. Autoriteti kontraktor të marrë në shqyrtim ankesën e paraqitur nga operatori ekonomik “PC Store” SHPK, për procedurën e prokurimit *“E hapur, e thjeshtuar”*, me nr. REF-90276-06-16-2026, me objekt: *“Furnizim Vendosje trarë elektrikë (parkimi)”*, me fond limit 5,000,000 lekë pa TVSH, parashikuar për t’u zhvilluar me datë 29-06-2026 nga autoriteti kontraktor, Ndërmarrja e Shërbimeve Publike Kamez.

2. Autoriteti Kontraktor të dërgojë menjëherë pranë Komisionit të Prokurimit Publik informacion të hollësishëm mbi hartimin dhe argumentimin e kërkesave për kualifikim e specifikimeve teknike, të jepen argumentimet përkatëse lidhur me pretendimet e shoqërisë “PC Store” SHPK si dhe të jepet informacion i hollësishëm, vërtetuar me dokumentacion, për trajtimin e ankesës.
3. I gjithë informacioni dhe dokumentacioni i kërkuar, të paraqitet jo më vonë se 5 ditë nga data e marrjes së këtij vendimi.

Ky vendim hyn në fuqi menjëherë.

KOMISIONI I PROKURIMIT PUBLIK

Anëtar
Edvin Simo

Anëtar
Nertil Kanina

Nënkryetar
Gjergj Mersini

